




Ukuhlomisa izingane
ngelikusasa.

SS 2

Isihloko sesifundo: Umfanekiso wemvu elahlekileyo.

Umhlahlandlela womzali

Isikole sangeSonto Isikole sasekhaya



Mzali Othandekayo

Uyamukelwa kusifundo: Umfanekiso wemvu elahlekileyo

Lomqulu ukunika umhlahlandlela ofanele wokuba ungasethula kanjani lesi sifundo.

Ungasilungiselela futhi usethule kanjani lesi sifundo

Nanka amanye amasu ngezansi wokulungiselela nokwethula lesi sifundo:

Isinyathelo	Okufanele ukwenze
1.	Finyelela ku Webhusayithi ye-New Apostolic Church ngokufaka noma ngokuchofaza kusixhumanisi esilandelayo kusuka ku-WhatsApp: https://bit.ly/3NACSSHS
2.	Qoqa lezizinsiza zokufunda ezilandelayo ukuze uqiniseke ukuthi usihlomele lesisifundo: • IBhayibheli • Isifundo ngefomethi ye-PDF esivele silungisiwe • Incwadi yengane yokusebenzela kanye namapensele, amakhilayoni, njll. • I-Vidiyo kiliphi okuyisiza sokufunda esingezekile / isisiza sokufunda ongazikhethele ngokuthanda kwakho • Ikhathekizimu yemibuzo nezimpendulo (Ikakhulukazi kulesisifundo sesiQinisiso). Qaphela: 2.1: Isikhathi esifanele sokuthulwa kwalesisifundo, kungemuva kwenkonzo yangeSonto ekuseni, ngokuhambisana nesikhathi sesikole sangeSonto ukuze kugcinwe inqubo yesikhathi esijwayelekile. 2.2: Uyacelwa ukuba ugcine isifundo sibe mfushane uma kunokwenzeka, khumbula izinga lokunaka kwezingane zethu (gxila esifundweni) - uyazi kangcono ingane yakho! <i>Isikole sangeSonto ngokuvamile asidluli imizuzu engama-45.</i> 2.3: Lesisifundo silungele ibanga le - SS 2. 2.4: Uyacelwa uthinte uThisha wakho uma udinga noma yiluphi usizo noma uma udinga ezinye izinsizakufunda kulezi ezingenhla.
3.	Khuleka (bheka umkhuleko osekugcineni kwalomqulu) bese ucela uNkulunkulu ukuba akusebenzise njengethuluzi ukwethula isifundo ngendlela Yena afuna ukuba usethule ngayo.

Fundisa lesisifundo sesikole sangeSonto ekhaya



Ungasilungiselela futhi usifundise kanjani lesisifundo

Siyaqhubeka nokwabelana ngezululeko ezithile zokuthi ungasilungiselela futhi usifundise kanjani lesisifundo:

Isinyathelo	Okufanele ukwenze
4	Yenza indawo ilungele ukufundisa engenaziphazamiso lapho wena nengane / nezingane nisezingeni elifanayo. <i>Isibonelo:</i> Hlala phansi ocansini noma eduze kwetafula.
5	Funda kulesisifundo. Phinda ufunde futhi isifundo ukuze usiqondise kahle. Bukela lesisifundo sevidiyo kiliphu ukuze uthole ukuqonda okungcono ngalesisifundo.
6	Zenzele amanothi ngamaphuzu abalulekile ongathanda ukuwakhumbula.
7	Yazi inhloso yalesisifundo ingane yakho okufanele siyikhumbule.
8	Yethula lesisifundo enganeni yakho noma uyifundele lenandaba uma uthanda.
9	Khombisa ingane yakho ividiyo bese uphinde ubuyekeze incazelo yayo.
10	Khombisa ingane yakho umsebenzi okufanele iwenze encwadini yayo yokusebenzela.
11	Khuleka, noma ucele ingane yakho ukuba ikhuleke bese uphetha isifundo.

Izinsiza zokufunda ezitholakalayo mayelana nokufundisela ekhaya.

Nazi ezinye izinsiza zokufunda zokungezelela lesisifundo sibe sezingeni leqophelo:

1. I-WhatsApp. Xoxani ngesifundo nomunye umndeni osifundayo nawo.
2. Xoxisanani ngesifundo nabanye abazali ukuze uthole ukuchazeleka kahle mayelana nesifundo ngaphambi kokuba sifundiswe.
3. Khululeka ukwenza olwakho ucwaningo ukuze uthole ulwazi olungezekile.
4. Khuluma noMxhumanisi webandla lakho noma uThisha.



Isifundo

Isihloko	Umfanekiso wemvu elahlekileyo.
Umbhalo weBhayibheli	NgokukaLuka 15: 4-7
Inhloso yesifundo	Izingane zifunda ukuthi uJesu Kristu unguMelusi omuhle. Uthanda wonke umuntu, ngisho nezoni.

Isifundo esifingqiwe:

- Nomaphi lapho uJesu abeyakhona, abantu babebuthana ukuze bamlalele.
- UJesu wayevame ukukhuluma nabantu ababengathandwa ngabantu abaningi ngoba beyizoni.
 - Ngemuva kokulalela uJesu laba bantu badabuka ngokwenza isono ngalokho banquma ukuguqula izimpilo zabo futhi uJesu uyajabula ngalokhu.
- Abantu abalungile bathukuthela ngoba uJesu wayekhuluma nezoni.
 - Bathi uJesu kufanele akhulume nabantu abalungile kuphela.
- Ukuze abafundise uJesu wabatshela indatshana ephathelene noMelusi.
- Ezweni elifudumele ngelanga kuhlala uMelusi. Unezimvu eziyi-100 azondlayo futhi azinakekelayo ngokuzelusa nsuku zonke.
 - Uyazazi, uzithanda zonke futhi uziphatha kahle.
- Njalo ebusuku ngemuva kohambo losuku uzishiya esibayeni esivaliwe ukuze zilale.
- Ngolunye usuku wazithatha wahamba nazo kanti kamuva ngalolu suku uMelusi wakhathazeka.
 - Uyazi ukuthi kukhona okungahambi kahle.
- Ubala izimvu zakhe: 1,2,3... 97,98,99, Maye babo! Yinye elahlekileyo!
- Yileyo emhlophe enendlebe ensundu ayitholakali ndawo.
- Ngokushesha uMelusi wagijima ukuyofuna imvu yakhe elahlekileyo ngoba kungenzeka ukuba isengozini.
- Ngemuva kwamahora amaningi efuna kodwa ekugcineni uzwa ukukhala okubuthakathaka kwemvu yakhe, "Bengiyokwazi lokho kukhala nomaphi!" kusho umelusi ngemuva kokuthola imvu yakhe ebeyilahlekile.
- UMelusi ubuyela emphakathini wakhe nazo zonke izimvu zakhe.
 - Uyamemeza: "Wozani, nilalele, nithokoze nami! Ngiyitholile imvu yami ebilahlekile isengozini".



Ingabe sisho ukuthini lesisifundo kithina namhlanje na?

- UBaba wethu waseZulwini uyajabula njalo uma isoni siza kuYe sicela uxolo ngephutha laso kunalabo abangazisoli ngamaphutha abo.
- Masifunde ukuzisola futhi sizame ukungaphindi sizenze izinto ezifanayo ezingalungile ngaso sonke isikhathi.
- UJesu uze ukufuna nokuzosindisa abadukileyo.
- Wonke umuntu ubaluleke kakhulu kuJesu.
- Kumele sihambe siyofuna sithole abangane bethu nemindeni yabo engasezi esontweni.

Eminye imibuzo esingayibuza:

1. Kungani uJesu asilandise ngomfanekiso wemvu elahlekileyo na?
Impendulo: Kungenxa yokuthi abanye abantu babethukuthele uma uJesu ekhuluma nezoni.
2. Kwenzekani lapho uMelusi ebona ukuthi imvu eyodwa yayingekho na?
Impendulo: Washesha wagijima wayobheka imvu elahlekile.
3. Ingabe kwakudingekile ukuba ahambe ayofuna imvu eyodwa na, ingani ngalesosikhathi wayenezingi? Kungani na?
Impendulo: Yebo - wonke umuntu ubalulekile kuJesu.
4. UJesu wayeqondise kubani ngalo mfanekiso na?
Izimpendulo: Izimvu ngabantu uNkulunkulu azinike iNdodana yaKhe uJesu.
Izimvu ezilahlekile zingabantu abaphambuka kuNkulunkulu.
UMelusi yiNkosi uJesu obheka izimvu ezilahlekileyo.
5. Yiziphi izifundo ezimbili ezibaluleke kakhulu uNkulunkulu afuna ukusifundisa zona kulesi sifundo na?
Impendulo: Njalo fundisa abantu ukuthi babalekele isono futhi wonke umuntu ubalulekile kuJesu.



UMkhuleko kaBaba noMama ngaphambi kwesifundo:

Nkulunkulu othandekayo, ngiyakubonga ngalolusuku

Busisa bonke abazali nezingane

Sengathi singabuzwa ubukhona baKho

Busisa isifundo esizoba naso

Sicela usifundise ukukukhonza

Futhi usisize ukwenza intando yaKho

Ukuze sikhule sisondele kuWe

Thumela uJesu azosilanda

Futhi kwangathi singalungela ukuhlangana naYe

Amen

Umkhuleko ngemuva kwesifundo:

Baba othandekayo oseZulwini

Ngiyakubonga ngokusigcina siphephile.

Ngisize ngibenomusa kubobonke.

Ngiyakubonga ngokuba uMelusi oMuhle osithandayo nosiqondisayo.

“Amen”